



# SIARAN MEDIA

## KEMENTERIAN BELIA DAN SUKAN



KBS : 90/2024

### MAJLIS PERUNDINGAN BELIA NEGARA MEDAN TERBAIK MEMPERKASAKAN PEMBANGUNAN BELIA MALAYSIA

1. **YB Hannah Yeoh, Menteri Belia dan Sukan** telah mempengerusikan **Majlis Perundingan Belia Negara (MPBN)** bagi **Sidang III, Penggal 34, Sesi 2023 – 2024** bertempat di **Pusat Belia Antarabangsa (IYC), Cheras, Kuala Lumpur** pada hari ini.
2. MPBN yang diperuntukkan di bawah **Akta Pertubuhan Belia dan Pembangunan Belia 2007 (Akta 668)** merupakan **sesi libat urus dan persidangan intelektual** yang menghubungkan pemimpin pertubuhan belia negeri dan kebangsaan dengan wakil-wakil Kementerian dan Agensi Persekutuan.
3. Antara tujuan penganjuran MPBN adalah untuk:
  - 3.1 Menyediakan platform bagi mengadakan perbincangan secara **konstruktif dan inklusif** melibatkan pembangunan belia;
  - 3.2 Mengangkat **suara dan pandangan golongan belia** ke peringkat tertinggi kerajaan;
  - 3.3 Memperkasakan **pembangunan belia daripada kepelbagaian perspektif** seterusnya memberikan impak kepada negara; dan
  - 3.4 Melahirkan belia **dengan jati diri yang unggul** selaras dengan pendekatan **Malaysia MADANI** dan **Model Pembangunan Belia MADANI 2030 (MPBM 2030)**.
4. **Sebanyak tiga (3) usul pembangunan belia** telah dibahaskan oleh perwakilan sepanjang berlangsungnya persidangan. Senarai penuh usul di **LAMPIRAN A**.

5. Pelaksanaan MPBN ini menzahirkan hasrat kerajaan supaya platform diberikan kepada **golongan belia untuk menyuarakan pandangan mengenai isu dan cabaran** yang sedang dihadapi seterusnya dapat memperkasakan belia sebagai pemangkin masyarakat sejahtera selari dengan matlamat **MPBM 2030**.
6. Majlis ini turut dihadiri oleh **YBhg. Ts. Dr. Nagulendran Kangayatkarasu, Ketua Setiausaha Kementerian Belia dan Sukan (KBS), YBrs. Puan Azura Abidin, Ketua Pengarah Jabatan Belia dan Sukan Negara (JBSN) dan saudara Mohd Izzat Afifi Abd Hamid, Presiden Majlis Belia Malaysia (MBM) serta EXCO/ wakil Kerajaan Negeri.**
7. Sekiranya terdapat pertanyaan atau memerlukan maklumat lanjut berhubung penganjuran MPBN, sila hubungi **JBSN** melalui talian **03-8871 3266** atau e-mel **jbsn@kbs.gov.my**.

**UNIT KOMUNIKASI KORPORAT  
KEMENTERIAN BELIA DAN SUKAN**

**11 DISEMBER 2024**

## LAMPIRAN A

### SENARAI USUL YANG DIBAHASKAN DALAM PERSIDANGAN MAJLIS PERUNDINGAN BELIA NEGARA (MPBN) BAGI SIDANG II, PENGAL 34, SESI 2023 – 2024

BIL	USUL
1.	Bahawa sidang MPBN ini mengambil ketetapan agar kerajaan memperkenalkan pelan tindakan mitigasi bencana banjir yang holistik dan bersepadu. Pelan ini harus merangkumi langkah-langkah yang melibatkan pemeliharaan alam sekitar, pembangunan infrastruktur mesra banjir dan kesedaran masyarakat bagi mengurangkan risiko dan kesan bencana banjir di Malaysia.
2.	Bahawa sidang MPBN ini mengambil ketetapan agar kerajaan menekankan satu keperluan mendesak untuk menangani ancaman penyalahgunaan dadah moden atau sintetik yang semakin meruncing dalam kalangan belia, khususnya di peringkat sekolah menengah, institusi pengajian tinggi awam dan swasta, serta risiko penyeludupan di sempadan negara yang membawa masuk dadah berbahaya ini.
3.	Bahawa sidang MPBN ini mengambil ketetapan bagi memohon kerajaan memperkukuhkan ekosistem industri e-sukan bagi meningkatkan penglibatan belia secara sihat.

*\*Usul ini tertakluk kepada pindaan dan perubahan dari semasa ke semasa*